


西藥畧釋

卷二

B. Chinese  
Vol. II

2





## 吐藥論

凡病人往往有因嘔後而略覺安然者此醫者所爲參悟其理而設爲吐藥也但吐藥宜服於乍病之時蓋病初起爲患尙輕於此服之殆欲其身之津液流行而爲治病之一助也大抵吐藥入胃之後原胃之腦筋既與各臟之腦筋相連而胃則從而作嘔此所以能令全體發動也且吐藥服後則心窩頓覺不安面色轉白口津發多未幾作悶而全身皆覺軟弱此殆由肚下之肉筋與膈膜抽搐及胃亦隨而斂縮而各處則由是發力然後能將胃內之積物吐出也顧作嘔時而胃與各臟之津液一若逼之使出此蓋先令其血流行而津液自生多也所



以各臟或有積血而一經嘔後亦能使其舒散又況令各臟多發津液及外皮發表者實欲使血略少並散去血毒也迨嘔時則面色復紅手足覺煖渾身發汗而脈亦洪大大約所吐出者先屬食物繼屬酸水終屬苦水而取吐之原委不外如此若論吐劑之妙復有五 一則胃內或有毒物及有食滯能令吐出

抑或跌打脫離骨骸及小腸疝氣肉筋抽痛取吐之後筋寬鬆並可將所患者納還原位西國未有靈藥之前多用是法

二則能平心平腦及

令各肉筋之力少減 三則令肝肺生液及肺管化痰外皮發表 四則能斂臟腑血管而止血 五則各物或誤入氣喉服是藥亦能吐出 且間有作嘔而大小便一併出者此取吐之後所爲殊覺困倦而奄奄欲睡也 然俟其醒後則病體亦略



覺自然。至若忌服吐藥亦不一。如心經有壞及身內大脈管或成跳血囊者不宜服。腦部有病如患頭風等症者不宜服。腹內發熱及小腸疝氣者不宜服。卽年高氣弱者亦勿服。若小兒十歲以下者服之無礙。蓋兒科吐劑或用依畢格或用鈹銻葡吐藥均合。而究以依畢格爲尤佳。凡服吐藥必待一刻或半點鐘久方能吐出。然或不應或吐少宜用雞翎探喉及多服煖水助嘔。不然則欲吐無物而胃必困苦。若業經嘔吐不宜多進食物。更有服藥之後而連吐不止者宜服鴉片酒或鴉片樟腦酒止嘔。抑或用布蘸煖水以鋪胃部或開調芥末以貼胃部亦妙。至服鹽類吐藥如鈹葡吐鹽等若已足



一服之數而服後猶不應，卽宜改服別種，或用草本吐藥尤妙。救服鴉片毒者，雖應比常額略加，然亦當小心，弗可過服。

且吐藥應服若干，亦不宜遽作一服，須分數次，每刻一服爲妥，蓋恐嘔吐太甚故也。服吐藥亦有其候，最妙莫如下午，蓋吐後疲倦，恰合寢時也。要之吐藥之性，或急或緩，不一最捷者，銅磺養胆錐磺養及銆銻葡吐藥是也。若草本吐藥，厥力稍緩，而惟悶逆殊甚，用藥者宜分晰焉。



阿甫麼啡

製法

麼啡精 一份

濃鹽強水 二十份

二味併入堅厚玻璃筒內

此筒形度要略長於外至  
少餘半四份乃各用

於是封固筒口外用合式

鐵筒套護螺絲扭緊筒口將鐵筒放油鍋內熬三點鐘要熱至

百度表之一百四五十度爲止停冷取出玻璃筒打開加入清水

開淡些

再加入鎬雙炭養

思多

和勻俟其散墜底去盡上面

之水加入伊打酒化後加鹽強水數滴凝結又以沸水化之俟

其凝結仍以水少許化之再入鎬雙炭養後凝結之散乃阿甫

麼啡也用冷水快手洗過立即焙乾入樽貯好

形色 或白略灰不能結珠若溼時見天氣則變青色



溶化

水及伊打酒哥囉方俱能化

藥性

與麼啡及鴉片不同彼能甯睡止痛此則服後抽筋與

服阿顛那睇拜阿相似甚至頭重眩困之患故或服或節入皮皆合作悶發嘔

用法

內服可用一釐之五份一射入皮可用一釐之十份

一服驗

平人每服後五咪呢至二十咪呢則必嘔雖止

復作務將胃內所有盡嘔一空故小兒服此速見困憊但於

血脈無涉吐時脈速止則脈靜其心脈無力者亦緣其人平

素弱耳

論身熱雖不加而呼吸變常初則喘速漸至氣緊

欲絕

論腦部初見煩躁不久顫動終則痿痺抽筋僵厥不



醒

但運動覺各腦筋如常思不同癱瘓

因藥力專行於腦脊根也

方論

此吐藥乃近年覈出製法精妙與各等吐藥用意不同  
但凡迷蒙不醒大醉中毒一切不能服藥之候及平素最不肯服藥之人遇應吐之症者以此藥開水節射入皮而嘔功效最捷  
若遇氣管發炎閉塞之症不能不嘔者用此雖能令頑痰盡吐而元神必傷則用者不可不慎也

依畢格

產南亞美利加巴西麥西等國形如小菜高約一尺

周身之蟠於地上者長約二尺采根入藥用根大如鵝翎管外有皮而函木質皮外四週均有圈紋澀衣取皮研末色微黃氣味味苦辛而帶悶此藥末研無臭研幼則自成臭味一



格



種嗅之或氣逆噴嚏 溶化 火酒浸

及冷水泡均能提出其功力若沸

水泡煎反敗其功而且經光亦然

製 樹根皮內函有淹微顛即依

精之 用法取出其功力比依畢格尤

峻此物無色無臭無味不能作珠清涼雖化入酒可溶發冷以峻

考訂 大抵該淹微顛不能多服每服一釐之四份一或六份

之一便能作嘔若依畢格則作嘔不甚烈然亦必吐且吐後

並無困苦之累小孩及身弱者皆宜

功用

一發表

許下文發表篇內

化痰



服法 每服三分至五分開煖水一兩分兩三次服每刻一服

可吐

方劑

一方 治胃弱能嘔瀉

依畢格末 三分

大黃末 三分

和勻加煖水作一次服能嘔瀉 每用八釐至一分

酸漿可補胃

一方

依畢格根 八錢 搗爛

車釐酒 二十安 土壘

或用雙蒸酒亦可

入瓶浸七日隨時攪動濾淨此酒能化痰發表每服十滴

至二十滴若作吐藥大人宜服 三錢 小兒宜服二十滴

至六十滴



一 方

依畢格末 二分

銀錒葡吐散 一釐

煖水調化分三四次每刻一服至嘔爲率由是再多飲煖水助嘔 患哮喘者當痰作時每服三分至作吐爲度若  
在平時每朝服八釐連服一兩月庶可獲痊 久患咳症  
每日服三四次每服 二釐亦佳 彼肺內皮發炎而致  
咳者當症乍起每半點鐘服半釐至一釐俟其嘔吐自可  
去痰止咳 小兒傷風氣緊而致咳者亦服之良 久咳  
內傷將此藥或調水或作丸服之均妙 胃不消化每朝  
空心服二釐 若春秋二季作瘧及患熱症當初起時宜



先服此藥取吐吐後再服金雞納霜如此則該症自易

治痢症每朝空心服二釐晚間另服些鴉片酒甚效

患紅痢者宜先服鴉片酒義免甚也次服此藥三分服後或

仍有嘔俟過十二點鐘再服至不作嘔為度凡紅痢初

起以此療之屢試屢驗

一方可止吐血鼻血及婦人經水太多

濃依畢格水二錢濃了葛水四錢

濃毛地黃水二錢  
以上各藥水濃淡均有一定製法不得妄為增減另詳

和勻每服三十滴至六十滴每三點鐘一服以血止

為度濃依畢格水製法詳下文第卷篇



路卑利

此藥產自美國俗名土煙蓋因其入口與煙葉同烈

故名之耳而實非煙類也該樹高約尺許有壳內包數核美國

田間類多叢生不須栽種大抵葉殼均堪入藥宜研末叻作散

藥性

服後頓覺昏倦沉悶恍如吸煙致悶一般故此不宜過

服過服能壞人蓋因其性酷烈恐致嘔吐非常

功用

取吐每服八釐至分半 若用以化痰治病每服葉末

二釐或四釐每日三四服

方劑

作藥酒方

此酒取吐去痰可治喉喘

路卑利

二兩

淡火酒

二十安士即火酒與水各半便是

將淡火酒十五安士浸路卑利兩日用漏斗隔出藥酒及



樽餘酒五安士亦全傾入樽內攪盪藥內之酒再濾隔要  
得回原酒二十安士爲度如不足加些淡酒添足

**用法**

取吐服四錢 去痰每服十滴至三十滴 治

嘔喘每服十五滴至五分每兩三點鐘一服

**芥末**

此物中國西國皆有之

**形色**

西國分黑白二種黑者有油白者則否

**氣味**

未研無味研細則色黃而味苦辛以法榨去其油苦辣

略減黑者一種尤爲辛辣

**藥性**

服至一錢卽能作嘔

**功用**

胃不消化每服三分日三服 誤服鴉片者用此救之

內藥畧釋

卷二

吐藥門 芥末 欬瀉散

七



頗驗並能引炎詳下文卷 第 篇

方劑 一方

芥末 四錢

牛奶 半斤

同煎服能調胃每日 服每服一茶盃

鈇銻葡吐散 製法

銻養末 三兩七錢 一分八釐

鈇葡酸散 四兩四錢六分二釐宜再研至極幼

汽水 三十兩 水亦可

先將銻葡二散以少水研和如漿貯十二時久加入餘水同納  
鐺內約煎一刻頻攪之濾淨取水俟冷凝珠將珠取出餘水入  
鐺復煎去三分之二取起俟再結隨將前後珠和勻鋪在紙上



由是用軟紙提去水溼卽是藥也

形色 此珠無色而體有棱芒能過光露天氣則水耗散其珠

變爲不能過光之白散

氣味 味辛而澀問以水化之則無味小兒易服

溶化 冷水十五倍可化一沸水兩倍能化一卽常酒亦能

化此須惟火酒全不能化但以水化此藥久則恐變壞惟

加火酒五分之一則無此弊

功用 能止瀉發表散痰散熱平脈外敷亦能起粒釣炎

服法 發表化痰每一釐分十次至三次服平脈每一釐分

三次或兩次服作吐藥每服可用二釐



相反 酸類 蛤利類 蛤利合炭養酸所成之鹽 金類合

養氣鉛霜 沒石子酒 及醋斂藥

方劑 一方 取吐用

硃銻葡吐散 五釐 白糖 一錢

清水 四兩

攪和分四次服每刻一服若既吐即停服由是多飲暖水助嘔惟當胃部發炎則忌服也

方 能令吐瀉熱症宜之

銻銻葡吐散 三釐四 鎂磺 八錢

清水 五兩 和勻每點鐘服八錢

又方 嘔吐發表

銀錦葡吐散

一釐七至二釐半

依畢格散二分

和勻分四次沸水開服每一刻服一次

方論

熱症初發脈洪大服少許能令脈平細發表出汗跌

打脫離骨鏹在患者力大患痛不能送還原位可服此藥些須令患者即行作吐而身體略爲軟弱由是醫者即乘此時而用力送回原骨之位可也 凡脈浮身熱口乾頭重不寐服他藥而弗應者宜服此藥若服後腹痛而致嘔吐太甚可服鴉片散或鴉片酒及甘菊花各潤物解之

老人孕婦及虛弱之輩忌用此藥且凡有小腸疝氣腦內



積血心經有壞及吐血等症者皆不宜用蓋其功力過猛

吐後速弱也

一方 治風溼 內傷咳嗽擦胸前亦安

鈹銻葡吐散 五分至一錢 樟腦酒 四錢

沸水 十二兩 和勻擦之

又方 解鴉片毒

鈹銻葡吐散 五釐至一分 開服取吐

藥酒一方

鈹銻葡吐散 五分二釐 沸水 一安士量

和化後加入車厘酒 十五安士量 調勻

又藥酒方

銀錫葡吐散

五分  
三釐

沸水

十三安  
七量

和化後加入火酒三安七量調勻

方論

此藥酒在西國最爲通行 小兒取吐多用之每服三

十滴至六十滴每刻一服至吐爲度 若大人服之亦能

化痰發表服此藥後能令體軟脈沉而功力較依畢格尤

烈彼孕婦分娩時其子宮口倘若難開則宜服少許令其

作悶俾子宮口易開庶無難產之患但不宜過服過服能

壞人

一 方 療肺內炎症

西藥畧釋

卷二

吐藥門

銀錫葡吐散 銀罐

十



銀錦葡吐散

一分或分半

清水

五安土量

和勻分十二次服每點鐘服一次以一日服畢為度但初服時不免嘔吐惟漸多自不致嘔 又法每兩點鐘先服此藥二釐連服三四次然後加至每兩點鐘服三釐或四釐照此連服數天而肺內炎症可愈此乃平脈及去肺炎之法也 化痰發表另詳下文第十篇化痰門

錐礬膏

製法

錐質

十六安土量擇鬆者

礬酸

十二安土量

清水

四十八兩

錐炭膏

四錢

綠氣水

足用

先將錐質放磁盆內次將礬養酸和清水併歸一處溶化輕  
燂熱令其化盡濾淨入一可裝八磅之樽逐少加入綠氣水不  
住手撒勻加至聞綠氣之臭爲度續加錐養酸至起青鹽俟黃  
鹽墜底再濾隔煎至上面起一層薄衣停冷凝珠以紙鋪新瓦  
上或燉火階磚上以收乾其水氣卽是藥也

此乃純淨最妙之製法也

**形色**

該珠無色過光形狀略如錐礬養露置則水略化氣散

去而變爲白散

入藥宜用珠

**氣味**

味澀不可口

**溶化**

火酒不能溶冷水用兩倍半方能化一若沸水則不須

一倍自可化一旦此物火燉可熔蓋原函之水受熱卽能



白化已質也

服法 每服分半至三分半必吐不甚悶苦

功用

一作吐劑

一作補劑

詳見下文補藥篇內

一作歛劑

詳見下文歛劑

篇內

一作丹用

詳見下文引症外出篇內

相反

蛤利類

蛤利合炭養酸

石灰水

銀質鉛質所勝

之鹽凡屬植物之歛藥

方劑

一方

救鴉片煙及誤服毒物

銀礞養

二分

清水化開每刻一服嘔出效

一

方 擦金錢癰

銀礞養

一錢

白藥膏

八錢

和塗甚效

又方 搽水 螭癩

錐磺養 五分

錐養 一錢

樹膠末 五分

清水 二十安  
土量

和勻搽之

銅磺養

俗名  
膽礬

製法

紅銅片 或紅銅碎

淡磺養水 足用

浸化濾淨煎去水俟凝珠即此藥也

形色 結珠甚大色藍豔露天氣即發潮

氣味 味澀氣烈

溶化 冷水四倍化一沸水兩倍化一惟火酒不能化 以火



煅之則本體之水足化已質煅久則焦枯

藥性

與銆銻葡萄吐散不同彼服後吐則身體軟弱服此後雖吐而不甚覺也 又與礞石相仿略猛烈些吐劑中各有分別處細核自明不可一概而論也

功用

一作吐劑可服八釐至一分四釐 一作歛劑

詳見下文歛藥

門第

十

一作丹用

詳見下文引症外出門第

十

篇

相反

蛤利類

蛤利合成炭養酸

礞砂

石綠

銆葡萄

鉛霜

銀淡養

凡屬植物之歛藥

方劑

一方

救誤服鴉片及毒物等

銅礬養

一分至二分半

和白糖調水服每刻服一次至吐爲度

服後多飲煖水以助之

鉍礬

俗名白礬

此物產於火山及出煤等處另有用法製成

者

其製法詳化學初階卷一

氣味

色白味澀而甘

溶化

熱水易化冷水亦可惟火酒祇能化少許

藥性

與銅礬養同

功用

服法

一作吐劑每服一二錢糖水開

一作歛劑

詳見

下文歛

藥篇內

相反

蛤利合炭養酸

石灰水

鉍養

鉍葡鹽

鉍礬

西藥畧釋

卷二

吐藥門

鉍礬養

七



養鉛霜 秉質之鹽 加匿酸 汲石子水

方劑 一方 救服鴉片各毒物

白礬末 三錢 開糖水服未吐再服服後多飲煖水助

嘔

一方 治小兒肺炎嘔喘

白礬末 二錢 開糖水服每日服二三次至嘔爲度倘

一日未驗次日再服

利小便論

利小便者，乃令便溺逾常也。夫溺少有數端：一因膀胱無力，一

因溺管生窄。一因或膀胱或溺管內生肉瘤而該溺欲入膀胱，竟為所阻。此則

雖服利小便劑，亦終罔濟。而且或內腎有壞，而血不運行，或臟

腑血積而不運動，更或身體發出各種熱症，與夫作瀉及發表

過多，皆能令溺稀少。如此亦無庸服是藥，而當用別藥療之。俟

病愈，則小便自通利也。乃若內腎所發之溺，其中則有水及

固，有雜質，大抵雜質或屬生物，或屬砂類，不一。蓋無病者其小便所出之尿，在冬則晝夜約有三勛至，所

固之雜質，晝夜約有兩錢。此蓋由內腎出入之血所濾隔而成者也。

若小便非由濾隔而出，將必致病於此。宜服利水劑，令雜質由



血滬出庶免病生 一利小便藥如屬植物者則能令水生多

而不能令雜質發多惟屬鹽類及清水者方能令溺所函之雜

質發出 其在患水臃者宜服植物之劑 其在熱症瘧症及

溺函有雜質而未發出者宜服鹽類之品 且利水劑如哥拜

把松節油及斑蝥等類者服後則該藥能與溺同入膀胱而並

能療膀胱及溺管所患之症 蓋服利小便劑其妙有五 一

小便少者令其生多 二血有毒物令內腎提之而出 三能

解熱症 四可除腹臃之水 凡臃或脚臃或  
口收臃服此藥 五則令化溺多及令

溺之雜質概行發出而免成淋症 凡欲利水服藥後宜多飲

水佐之勿令發表勿瀉大便誠以汗瀉與利水殆相反也

鈹葡酸散

製法形色已詳上文瀉藥門第十篇內

功用

一服法

利小便退熱每服二分半至一錢宜以多水開

調每日數服

噉症足腫小便短者服之良

上文用此

藥瀉噉是由大便瀉水此則由小便而消噉也但服此有

連服數日可應者亦或有連服數旬而始應者若用此藥

以消噉無一朝一夕之功而連服五六日後即宜隔數日

再服也

方劑

一方

鈹葡酸散

二錢

牛奶

十二兩

和勻分數次服



一方 療水臍利小便

鈇葡萄散 四錢

冰花糖 三兩

新檸檬皮 四錢

沸水 二斤  
四兩

浸泡分一二日服均妙

鈇醋鹽 製法

醋強酸 十二兩

鈇雙炭養 足用

將鈇雙炭養由漸投入醋強酸之內至無炭養氣發出而醋強  
變作無酸爲度濾淨放入玻釜坐沙釜之上隔水炖熬去盡水  
汽便可製成但熬此藥最宜小心不然則玻釜與藥均能致壞  
形色 淨白摩之恍若有油倘若露置則能吸天空之溼汽而

化水其形狀若油故宜以玻璃貯密

氣味 鹹而辛

功用 能令尿酸多免成淋利小便消水腫但水腫有數種若

因肝病面黃而致者服之最效

服法 每服二分至四分多水調化每日數服

相反 各酸類 鈉磺養 鎂磺養

方劑 一方 治少年病後足腫腹臃

鈹醋鹽 二分至四分 多水調化分兩次服服後數日未應宜

加別種利小便藥同服以助其力

一方 治皮膚久患水蠃癩魚鱗癬別藥罔效者



鈇醋鹽 五分

每日三服連服一二月自效

鈇炭養製法

上等鹼沙

以水化少許加入淡礬強水即沸者是

冷水 備足

二物同重浸兩日隨時攪動濾去不化之雜鹽取淨水下鍋煎稠離火頻頻攪之凝珠則幼然猶未甚淨也有一極淨製法用

鈇雙炭養

十二安土

汽水

十二安土量

以鈇雙炭養全放入鐵鍋內慢火燂熱煎去本身之水迨煨至紅色尙耐半點鐘之久停火俟冷盡入汽水化開後濾隔入鐵鍋煎去水氣略稠離火用薄鐵片攪至結珠爲度入樽貯密形色 淨白倘露置即牽吸天氣中之水汽而化盡頗似油淺

黃而色清

氣味

溶化

味鹹而澀

水一化一

火酒不能化

各強

水能化投入即沸

因炭養發出故也

用法

每服二分至五分多水調化

功用

一利小便

解酸

詳見卷第十解酸篇內

通淋

溺有紅碎砂者服此

最

消臑

凡因心體有壞內腎有壞初起水臑者及風

溼酒風腳肝舊炎等症均效○又凡吸核因舊炎而腫各

臟炎腫或積明汁生實者服此可消

相反

各酸類

有酸味之各鹽類

驕煖綠

石灰水

石

綠

鎂磺蠶

白礬

鈹銻葡吐鹽

迦路米

鐵磺養



錐礪養 桂拏礪養 鉛霜 銀丹

方劑 一方 止淋痛

鈇炭養 三分四釐 開羊花酒 一錢 和水作一次服

一方 利水消腫

鈇炭養 三分四釐 檸檬酸散 三分或用檸檬汁四錢

和勻作沸隨卽服之

一方 治癰症內服外塗

鈇炭養 四分至一錢 熟豬油 八錢 調勻塗患處

方 治癰

鈇炭養 二錢或三錢 清水 十二兩 攪勻洗之

附錄雙炭養製法

鈹炭養

三十八兩四錢

清水

七斤半

和化復田雲石粉用法取

炭養而加入鈹炭養水之內至不能食爲度濾淨煎去水限以百度表之七十一分水汽盡取出冷卽凝珠紙提去水俟便成

是藥

形色

無色過光露置不潮

氣味

略鹹

溶化

水四分化一火酒不能化

功用

利小便及可療各症略同鈹炭養

服法

每服照鈹炭養倍用方合

鈹樟鹽

製法形色氣味功用已詳下文卷

發表篇內矣



鈹樟鹽水

製法

檸檬珠

四錢

鈹雙炭養

五錢半

清水

八安土量

和勻濾淨每用四錢加水服之功用發表利小便退熱每服加甜硝伊打酒三十滴為妙

輕淡醋鹽水

製法

輕炭養

六百四十西粒厘一兩零七分

清水

十二安土量

和勻濾淨後再加清水要足十六安士為度貯玻璃樽內另樽貯清水十二安士加入醋強酸四安士

服法

用時每樽取二錢或四錢和勻加清水服之

功用

發表利小便傷風喉痛初起麻痘初起服之良○大熱

症身弱者可服舌乾謔語服之止渴退熱○婦人頭痛作  
悶發嘔每一點鐘服一二錢可止頭痛○酒醉後飲此藥  
水少頃即清醒○外治凡跌打骨錠痛頸癰毒瘡初起擦  
之能消散平復

標帖

樹產亞非利加之南邊高數尺入藥用葉

形色

葉寬約三分至五分圓長不一兩邊鋸牙面滑淡綠色背略

白

氣味

嗅之氣息迥別嘗之味苦芳烈葉內含有

能飛之油質功力即在油恍似薄荷油以輕火焙煖油可  
凝結成珠似樟腦

服法

浸水或浸酒用每服四錢至一兩



功用 能助腹中之暖以行週身如飲酒微醉小服能開胃助消化之力利小便長過平日且溺內有藥油之味大服令人嘔瀉凡內腎內皮發炎膀胱內皮發炎尿管內皮發炎小服見效用葉三分半至五分

方劑 一方

標咕葉 二錢 要巴兒些葉 二錢 熱水 十六安  
蓋密浸半點鐘隔淨用每服四錢至一兩

一方

標咕葉 八錢 滾水 十六安  
蓋密浸兩點鐘隔淨每服八錢至一兩功效同上

哥枝際



哥枝際 產歐洲南邊各國

高約五寸根長徑約一寸略

圓 氣味 入口略甘漸

轉苦辛核味苦辣入藥或用

根或用核均妙浸酒以核尤

佳

藥性

有毒多服每至嘔血大瀉弱極困憊難堪以致

於死

勸法

小服令人多發津液作悶利大小便發表平脈

止痛利小便研末用每服一釐至七釐過此則或嘔或瀉不可

不愼

方劑

藥酒方

利小便用

西藥畧釋

卷二

利小便門

哥枝際

三

哥枝噤根

四安土

車釐酒

二十安土量

以車釐酒十五安土浸藥七日將餘酒加入隔淨揸盡藥內之酒以足二十安土爲度利小便每服十滴至十六滴日三服

又方 治風溼走風腳

哥枝噤根

兩安半搗爛

火酒

二十安土量

倣照上文卷 第

篇內路卑利酒製法凡用火酒作

藥酒皆然每服十五滴至三十滴

方論

此方療走風腳症西國最爲通行惟當慎用者有七

一走風脚症初起及少壯者宜服若久患及老弱者不宜



二乍起是症宜先服別種瀉藥以利大便而後可服此酒。三初服宜少以漸加多可也。四不宜偕別藥同服。五服後倘若作悶或嘔或瀉不宜再服。六服後覺膽汁略多小便略多外皮發表大便頗少如此則服之宜。七凡用此醫者最宜小心倘有窒礙即宜改換別藥也。

松節油製法

以刀砍松樹新流出未經日晒之松脂入大銅甑蒸之隨時加水甑成油輕必浮水面所騰渣是松香取出油貯以木桶極淨製法

松節油

二十安  
土量

清水

八十安  
土量

西藥畧釋

卷二

利小便門

松節油

三

併入大銅甑內，小心慢火甑之，甑至管器不見油出爲度，或加  
飯養入油內，撤之，可令食盡油內微滓焉。

形色 清白而豔，質稀如水，比水略輕，能化氣飛散，火燃卽焚。

煙濃黑，若受熱至百度表之一百五十七分，卽作沸，若露

置，能吸天氣而略稠，一變黃色，內有還原爲松香者，蓋松

節油本炭輾二質合成，非油非水也，迨吸養氣，則漸壞矣。

氣味 苦辣，其臭辛香，自成一種氣味。

溶化 水能溶化些少，火酒伊打酒能化略多，但此油可與

各類油和勻相洽，又能化松香之類及牲畜油、膏、樹膠等。

服法 利小便，每服八滴至三十滴，每日二三服，熱症出癰。

約經十餘日，每服十滴至十五滴，每日兩三服，但不宜多服久服，恐令內腎發炎，有溺血之患，用者宜知。

功用

一利小便

一行血

一殺蟲

一去胃腸之風

一

引炎外出

均詳下文

溺不能忍，或膀胱孱弱，不能將溺

射出，均宜服。

熱症出痲，約經十餘日，身弱脈數，舌乾謔

語，與夫腹有微痛，及略有氣脹等弊者，宜服。

凡服後腹

內略煖，脈略快，呼吸小便均有此藥氣息，即嗅其氣，或用

以擦外皮，而小便即有藥味，是知此油必先入血而後入

內腎矣。

方劑

一方

治日久白痢，舌乾滑，大小腸有氣，大便溏，或



如彈丸帶瀉血等狀服之皆效紅痢數日後略鬆者可服

松節油 一錢

杏仁油 半安士量

鴉片酒 二錢

樹膠水 五錢

清水 半安士

和勻每服一錢每三五分鐘一服

又方 氣脹大便秘結用此節射入肛門甚妙

松節油 二錢至八錢

蓖麻油 兩安士量

雞蛋 一箇用白

稀粥水 八安士至十六安士

作一次用

又方 治吐血鼻血肺血胃血大小腸膀胱流血由大小便

出皆身弱所致服此可止

松節油 三錢

毛地黃水 一錢

樹膠水 四錢

薄荷水 八錢

和勻每三點鐘服一錢

一方 殺大腸小蟲

松節油

二錢至四錢

作一次服

至大腸內扁節蟲

長約五丈有奇詳內科胃腸卷首圖

宜用此油一兩和生

雞蛋黃或樹膠攪勻服之照方多服服後兼服蓖麻油為

妙免其端走內腎致有傷也

一方 胃不消化腹脹腹中有風俗名氣臑口苦面黃

松節油

五滴至十五滴

作一次服氣臑腹脹尤妙

一方 治耳聾耳乾枯無耳糠者

松節油

生油或甘油

各半和勻滴入耳內

西藥畧釋

卷二

利小便門

松節油

三

一方 擦風溼跌打骨痛及腳痠痛風痰鶴膝骨鉸各症

松節油 兩安 生油 兩安 樟腦油 一安 輕淡水 一錢

和勻擦之

松節油 一兩 生油 一兩 樟腦 二錢 醋強酸 一兩

和勻擦患處治全上

一方 湯火傷

松節油 五兩 松香藥膏 十二兩 研和沙紙隔貼甚驗

一方 療治爛肉

松節油 不拘多少 剪去黑色爛肉以綿花或軟布在擦患處至

垢穢臭腐解毒生肌



外治氣臑方 腹內有炎及氣臑以熱水布扭乾滴松節油數

點於布上鋪腹部覺痛熱即撤去不宜過久也

哥拜把



哥拜把 此樹產南亞美利加高

數丈用刀斫樹身即有汁漿流出取漿入藥用

形色 鮮者清如水久則變黃而

稠藥肆所售者稠而清或略黃如

生油其質比水略輕

氣味 苦辛不甚可口

溶化 水不能溶惟伊打火酒及生油均能化合

功用

利小便治內皮炎症白濁白帶瀉痢血痢

服法

每服二十滴至一錢每日三服用白糖或蛋黃及薄荷水桂皮水沖服西醫以是藥艱於入口因用樹膠作一橢形函其漿於內以便吞服

評訂

藥性頗熱服後喉腹略煖該藥力由各臟內皮而發且服後呼出之氣及小便皆另具一種氣息間或皮發紅疹故過服則或嘔或瀉或大腸痛或小便痛及溺中有血

方劑

一方

哥拜把 二錢

甜硝伊打酒 二錢

鋌養水 一錢

清水

三兩

樹膠水

六錢

和勻每服一小杯日三服

白帶每日服二十五滴 凡白濁女人白淋白帶咳嗽  
內皮多生痰者老人咳症服之尤佳 身有熱者不宜服  
若將哥拜把漿用法甌取淨油棄卻膠物並其苦每次服十滴  
至三十滴更妙

又九方

哥拜把油 一錢

異澄茄 一錢

松節油 一錢

鎂養散

二錢

共和勻作丸六十粒每服三五丸能療各症

甜稍伊打酒

製法

鎬淡養

四兩

磺强水

四安土量

火酒

三十二安土量

先將鎬淡養入甌後將火酒磺强相和加入如法甌取得三十



五安士爲度

又新製法

硝强水

四安士半

濃火酒

一百一十安士量

磺養酸

三安士半

幼銅線

一兩六錢

先將器貯火酒二十安士以磺養酸三安士逐漸加入酒內俟冷後注入曲尺玻管乃盡將銅線投入再以硝强水四安士加入燂熱玻管曲尺圓柄但極宜小心燂至熱足寒暑表一百八十度而曲尺盡處之圓潤玻器燂時須以冰雪凍物護之俟該玻器內所接得之酒到十三安士限度即可停火又俟曲尺之上圓柄已冷將所臚硝强水半安士再放入曲尺玻管內復如前發火燂熱至玻器內再收得酒兩安士連前共收得十五安士矣將臚下之火酒九十二安士和勻卽甜硝伊打酒也

色味

色白而香，味辛甜，臭同伊打酒。

收貯

玻璃樽要每個可裝八安士者，配合上好玻璃，極以免洩氣。遇火則焚，見光則化，氣飛散，收藏在黑暗處爲妥。倘收

貯日久欲覈其有酸否，以草藍紙拖之，略變紅則知有酸，但稍有仍不妨。

服法

利小便，每服四十滴至八十滴，或和醋、強飯，或和飯、錫、葡吐散，或飯、炭養，或和毛地黃水同服，均妙。服時須加水調和乃可。

功用

利小便，解熱發表，止悶去腹中風氣，形寒惡冷，服之可合身體煖和，倘膀胱發炎或有砂，小便淋瀝作痛，或內腎

舊炎溺痛服之均效



畢澄茄

面有油，榨出其油清而無色

清水足用

甌油用之可療各症

畢澄茄

此藥產海南諸境加

拉巴等處今廣州亦有之

形色

附樹蔓生，春開白花，夏

結黑實，狀如桐子而微大，具小

蒂，面有圓硬白仁，蓋與胡椒一

種二類

氣味

辛溫無毒，內

附甌油法

畢澄茄

不拘多少

助潮

利小便，每服二分

研末用

療白濁，每次服一分半至二錢



每日三服，俟白濁將止，以漸減少可也。但勿患遺精，有精先服，以固其精，之候其精安方服此藥。

治白帶，每次服藥末一錢，日三服。膀胱內皮發炎日久，

每次宜服此藥末二分至三分，日三服。

方劑 一方 利小便白濁

畢澄茄油 十滴至十五滴 白糖和服，漸次加多至三十滴可也。

藥酒方

畢澄茄 二兩 研末 淡火酒 二十安 士量

同浸至製法已詳上文卷。路卑利酒篇宜仿照之。此

藥酒能祛腹內之風，每服三十滴。久患白濁，每次服

一小杯。



土圭釐



土圭釐 此藥產歐

洲之南，菜根也。

形色 狀似蔥頭，瓣

瓣包裹大如梨子，間

有大如柚子者。

氣味

苦而辛悶。

製取

清水、火酒、白醋均能提出其功力。

功用

利小便，治水臃，化痰，其化痰之功力乃令痰稀而多以

便外吐也，惟不宜多服，多服則恐吐瀉異常。

服法

利小便宜服一釐至五釐，當服數身熱時不宜服，熱

退乃可服，倘服後作悶，宜先服桂皮水，方可再服，至用

此藥塗在皮膚能起紅片如漆食此亦不可不知也

方劑 一方 利小便

士圭釐末 一錢 鋕葡酸散 九錢

和勻每服三分半至五分

一方 療水臍

士圭釐末 一釐 汞藍丸 一釐

和勻作一次服每日三四服

一方 化痰

士圭釐末每服三釐四至一分每日四五服甚效

金雀花 俗稱把枝 此藥產歐洲之西邊南邊美國英國等處廣東肇



慶岡嶺皆有鄉人取以爲帚枝稍花蕊極繁黃色如雀嘴故名  
樹高三五尺不等取嫩枝入藥

氣味

苦澀不可口花味亦苦均可入藥

功用

服法

大服作嘔吐大水瀉小服利小便然此藥專用

以利小便從無用作吐瀉藥者嫩枝研末每服一分七  
至五分可利小便

方劑

一方

利小便消水腫

金雀花嫩枝

七兩即五斤  
零四兩新條

火酒

足用

先將此嫩枝入石臼內搗爛盡搥出其汁每汁三分加入  
火酒一分和勻放下七日然後隔淨入樽收貯在冷凍之

寒不宜近熱每服五分至一錢甚效

一方消水臑利小便之上品妙方服者屢驗

金雀花乾枝 八錢 清水 二十安士量

煎此藥約一刻之久隔淨後加水取出二十安士為度每服一安士至兩安士



腰巴兒些

腰巴兒些 此藥藤本枝甚濃

茂隆冬不凋出美國北邊境內

采葉入藥用

形色 深綠色面滑背略白

氣味 研末味略苦澀內函炭

酸及加播酸 藥性平和

功用 鋪斂利小便不致過甚凡身弱膀胱舊炎內皮發津液

多尿有潺者用之良

服法 每服用乾葉一分七釐至五分

方劑 一方 利小便

要巴兒些葉 四錢 沸水 十安

浸兩點鐘隔淨每服安半至三安士日三服

柏子

柏子 西名要乃把 此樹產於歐洲英國美國即中



國各處皆有樹高八九尺至丈餘子結紫



黑色內包核三顆采嫩枝及子入藥用



氣味

苦辛而香，頗類松節油。

功用

利小便，治膀胱舊炎，療白濁病後，肢脹或水蓄。

方劑

一方

柏子

八錢 杵爛

沸水

二十安 土量

泡浸兩點鐘，每服兩三安士。

每日三服。

一方 治肢脹

柏子

四錢 杵

鉅葡萄散

四錢

沸水

二十安 土量

泡浸兩點鐘，一口內分數次服完。

又方

凡毒瘡初腫未潰者，以柏子搗爛，和別藥塗之，良。

柏子

四錢

麥糠

八兩

甘菊

二錢

煮餲乘熱敷之。

又方 先以柏木甌油、如甌取把嗎油之法、

柏油 八錢 綿羊油 二錢 猪油 二錢

和勻燂熱可塗治久患皮膚等症

蒲公英 產歐洲美國等處、即中國皆有、根長六寸至尺餘、橫

四分至八分、采根入藥用、

形色 氣味 根汁如牛乳、味苦無臭、  
一考訂 按本草云甘

平無毒、主治婦人乳癰、煮汁飲及封之立消、解毒散滯氣、消惡腫、結核、丁腫、蛇螫、腫痛、未知是否、果有此功力也、

功用 利大小便、胃不消化、肝積血、大便結、服此均效、

方劑 一方 治胃不消化等患極效


蒲公英

八錢切  
片杵爛

清水

二十安  
土量

煎沸至一刻之久隔淨隔時再加些沸水收足二十安  
為度每服安半至三安土



毛地黃



毛地黃

西名地  
黃連

此樹產歐洲曠野

高三五尺其花似鐘而色紫葉  
長約五寸濶約二寸有奇葉面  
有霜具大功力用法取出西土  
呼為地治低連者即此物也

形色

霜似粉略黃

氣味

頗苦無臭性甚毒多能  
含噤噤



溶化

火酒可化伊打酒與水不能化

功用

一利小便

一平脈

詳下文卷十篇內

第

能療心症凡因心經有壞而致血不流行眼蓋略腫面色發紅脈數氣緊服此均妙水臌服此以利小便亦可療

# 發表論

發表者即令發汗也。顧人當無病，亦時有汗生。惟汗少則不覺而汗多乃始覺耳。蓋皮所發之汗及肺所出之水汽（熱氣）其（自皮膚出也）在夏天則多，而在冬天則寡。大概夏天每日夜其多者約出有三觔十二兩，冬天每日夜其少者約出有一觔四兩。然此尚屬出於不覺者也。若當勞動之餘而汗則不止此。西國醫士嘗考工人夏日操作，不過約一點鐘，其發汗竟至有二觔之多，或更有（三）觔之多者，是蓋經細覈而始知之也。他如無病者或飲醇酒，或吃熱茶，或多擁衣衾，亦能令其體煖，及血速行而輒易發汗。此亦不可不知也。況所出之汗不一，有由血中而發出鹽類

者亦有由血中而發出雜質者醫者概宜察及至若有病發熱則皮乾而汗少是非表之不可此發表之劑所由設也蓋發表乃令汗管發力及令血流行大抵服是藥者一令作悶則身軟力緩而此時汗管自易引水而出一因外感而血積內腑服此則能令血散而行於外皮一內腑生炎服表藥亦能引病外出一內腎或不發溺服表藥則能令汗多發而溺自因之而少一熱症初起服之能令熱遽散一熱症將退服之能令熱悉除惟當熱症盛發之時不宜遽服須先服涼劑瀉劑俾熱少減然後可服此藥服後則兼食解熱等物以佐發表可也



乍波蘭的



乍波蘭的 樹不

甚高出南美洲加

采葉入藥葉高四

寸餘氣味嗅

之無氣息味辛澀內面有油水浸酒浸均可

一方

乍波蘭的葉

兩安  
土量

清水

十六安  
土量

浸泡每服四錢至八錢

一方

乍波蘭的葉

四安  
土量

淡火酒

十六安  
土量

浸隔每服五分至

二錢

掛魯加偏

即名波蘭寫

藥性

峻猛、蛤利類、專理臟腑功用和酸類可

作鹽結珠

溶化

水能化、硝強酸和之尤妙

服法

每服一釐之二十份一或三份一 亦可用節射入皮

功用

大表行血服後約十咪呢其面耳及頸皆紅熱大汗涎

涕淚皆多兼水瀉心跳加而脈虛無力藥行兩點半鐘汗

後身涼熱必減低寒暑針一兩度約三兩個時辰乃能復

常 小兒服後各情狀較輕惟汗後困倦則同面色先紅

後白汗時惡寒後必軟弱其藥力本非入腦蓋因瀉後血

弱故也眼瞳人縮小不流動約點半鐘乃可復元 平人

服後悶嘔、空腹尤甚、近經察確、惟服蛤利類之後、乃如是耳。此藥能令血脈腦筋散緩、故心跳脈虛促、身煖減低、察其水瀉情狀、可知能助各臟腑發力、且能令尿底隨汗而出、然小便如常、緣此藥祇能表瀉、不滲利膀胱水道也。主治：凡臑積、肺膜積水、血多尿底、新舊風溼、統膜發炎、致哮喘、皆效。並治皮膚疥毒、能拔血內之毒、由汗管而出也。婦人產後乏乳、服之可通、小便有糖或無味、或頻多、皆可治。嘗見服後、一日內減去尿一百數十安士者。

相反

五金鹽類

最忌者鐵

顛茄子

相佐

草烏頭

綠匪鏽稔

蔗先稔



鈇檸鹽

製法

檸檬酸珠

十安  
土秤

清水

十六安  
土量

鈇雙炭養

十四安  
土量

先將檸檬酸珠與清水和勻，後將鈇雙炭養漸次加入，至無氣出爲度。濾淨，煎去該水，煎至上面起一層薄皮，火宜收慢，不住手攪勻，俾易凝珠。珠既凝，先將一瓦礮焙熱，放珠入內，少頃然後取出，細研爲末，隨用玻璃樽貯密。

形色

氣味

此乃白散也，露置即潮。

味鹹略苦。

溶化

水可化，火酒不能化。

又一法

檸檬汁

八安  
土量

鈇雙炭養

備足

將鈇雙炭養逐漸加入檸檬汁中，亦加至無炭養氣發出爲度。

然後照上法製就收貯

**功用** 發表利小便 **服法** 每服三分至一錢

**方劑** 一方 發表解熱

銀檸鹽 二錢 清水 六安土量 檸檬油 二滴 白糖 二錢

和勻每服一酒杯每兩點鐘一服 凡身熱皮乾作渴者

服之良效

**輕淡醋水** **製法**

淡醋強酸 三十二安士量 輕淡炭養 備足

將輕淡炭養漸次放入淡醋強中至沸定而無氣出為度

**形色** 此水頗清無色 **氣味** 味鹹而甜無臭惟不能久貯

須隨作隨用

功用

發表解肌熱解醉搽跌打傷消頸癰骨鉸腫有水

主治

凡身熱皮乾作渴者宜服每服二錢至六錢和白糖沖水服熱症服之即能發表喉痛傷風及身有微熱服此可治風溼淺症服之亦妙若發炎及患大熱症初起時亦不妨服小兒出麻遲慢宜服此以助其出若麻出旋收亦宜服之令其再發且出麻後或腳腫致成水腫者服之均驗婦人頭痛作悶每服一酒杯酒醉服之能解倘或服後作嘔即宜少停方可再服

方劑

一方療各症



輕淡醋水 二錢

甜硝伊打酒 二錢

銀鋸葡吐酒 二錢

清水 四兩

和勻每服一兩二錢每日二三服

一治跌打被傷前方搽之 骨鉸腫而有水及患頸癰者

用此塗之亦能散

銀淡養

硝

此物多由地採掘產印度秘魯埃及等國蓋以水

化濾隔而成者也 但覈原身多而生鹽須提淨始堪入藥

提法

火硝 三錢

沸水 一兩

同煎沸後加以少水復行煎

沸其鎗底不能溶化者即生鹽也用法將鹽提出再煎至底不

結鹽為度此際再加入水四倍

連初次之水共三兩一倍之數或系則水照計可也

再煎至沸後以

牛皮膠水投之待牛皮膠水粘去污垢乃納諸淺銅盤中復以

西藥畧釋

卷二

發表門

銀淡養

三

棍頻攪之一則欲其快凍而易凝珠一則攪動凝珠幼小便於  
取用也凝珠既定將珠放於多眼木盤內此盤先將各眼塞密隨加清水將珠  
浸洗約數點鐘乃開盤底各眼使濾去泥水此水應淨仍可煎硝由是用紙提  
出水渾則極淨也

**形色**

**氣味**

珠色白味苦而涼此硝珠

露天氣不甚發潮蓋原未面水也

**溶化**

冷水四五倍方能化一沸水小半分即五分之二即能化一

綠沸水能以少化多故用沸水即可提出食鹽提淨鹽合

以硫炭則可成上品火藥

**功用**

**服法**

利小便發表

水少調服則能壞人如火硝八

錢祇用清水些少化服能令腹內發炎而傷內臟若以清

水二觔化服，即可發表退熱。利小便，每服三分半至九分，退熱用三分半至五分，服後能令脈平而心力少緩。查時珍本草，經方集解，朴硝鹹苦性寒，能破積消滯，合大黃則瀉胃腸之閉結，合柴胡亦能發表，提淨者名芒硝。

方劑

一方 利小便

淨硝

三分四釐

甜硝伊打酒

一錢

金雀花水

四安士

和勻每服一安士，日三服。

一方

解腦熱、瘡炎及風溼骨鉸痛等症。

淨硝

四兩

轆淡綠

四兩

清水

十二兩

和化用布漚此

藥水敷之。



一 方 發表用 凡肺內皮有熱及喉症初起者甚驗

淨火硝 二錢

鈹銻葡吐散 二釐

樟腦鴉片酒 一兩 二錢

清水 十兩

和勻每服二小杯每一點鐘一服 小兒年

約七歲而遺尿者每日服二分

一 方 治熱症

淨火硝 四分 八釐

鈹銻葡吐散 一釐

迦路米 二釐

和勻分四服每隔兩三點鐘一服

一 方 發表甚驗

淨火硝 一分 七釐

清水 一兩 二錢

鈹銻葡吐散水 十五滴

白糖

一錢

甜硝伊打酒 三十滴

和化作一次服每日兩服○

至若以火硝醃肉其色亦鮮而可經久

鴉片表散

製法

鴉片末

一錢

衣畢格末

一錢

鈹磺養

八錢

和勻研極細末

功用

發表止瀉止痛其功力即在衣畢格及鴉片末也

主治

服法

發表服一分半至二分止瀉每服八釐至一

分七釐每日三服止咳每服四五釐

小兒肚痛每服半釐

至二釐風溼等症服此能發表止痛

各部發炎須忝酌而

用但此散除發表外祇作鴉片用耳

衣畢格

形色氣味功用已詳上文吐藥篇內茲祇論其發表

內藥畧釋

卷二

發義門 鴉片散 衣畢格 鈹磺養散

之功用而已。此藥服少許，輒能作悶發表，每服二三釐，每兩點鐘一服，服後須飲熱茶，及擁被以助發汗，倘有作嘔，宜少服。  
**銀錦葡萄吐散** 製法形色氣味已詳上文吐藥篇內矣，茲特論其發表之用。

**助湖**

能作悶發表，每服半釐至一釐，倘欲發表而不作悶，須將此藥一釐和清水一兩，分六次或八次服，每兩點鐘一服，服後亦宜飲熱水及擁被，以助發汗。

以上二藥，凡傷風及熱症、炎症初起者，均宜服。

**圭卮禁**

樹產西印度海島，高約三五丈，樹有汁液外流狀，若

松脂，入藥則或用其膠，或用其木均妙。



圭厄禁



溶化 清水百分能化此膠九分化後

則水成青色惟火酒方能全化

功用 發表去毒療風溼

主治 婦人月經不調 詳見卷第十篇 第及

頑癰瘰癧等症

服法 發表每服分半至五分

方劑 一方 日久風溼及婦人月

經不調

圭厄禁膠

三兩二錢研末

輕淡香酒

二十安土量

和勻浸七日濾隔酌加輕淡香酒以共得二十安土為度

每服五分至一錢甚效

一方同上

圭卮禁膠

四錢研末

白糖

四錢

白樹膠粉

二錢

和勻漸次加入清水以共得二十安士爲度再加入桂皮油四滴每服一酒杯

又方發表

圭卮禁木

八錢

清水

一斤四兩

同煎以煎去水三分之一爲度分數次一日服盡服後腹覺略煖口略乾擁被助之即能發表

丸方功用主治同

圭厄禁膠

不拘多少

和白糖製丸每服一分半至五分

此膠合飯養水可作齏

或取齏入藥作丸亦可

沙沙法

此樹產美國高丈餘徑八寸

功力首在樹根皮樹

根皮有油均入藥用

氣味

甘芳嗅之香烈

功用

發表行血最爲上品該處土人春月采取此根皮代茶

可爲解毒去熱之通用

凡用在土下之根皮

方劑

一方

發表解熱

沙沙法樹皮

四錢

清水

八兩

煎作茶飲

又方

用樹皮油每服二三滴樹膠水開服

薄荷

此藥產歐洲美國中國等處采葉入藥用葉面有油宜





薄荷

小心晒乾倘晒之不細則油將洩

去而無用

氣味 辛溫略苦

功用 發表止悶祛風及治肚痛

方劑 一方

薄荷葉 二錢 清水 八兩 煎服

甜硝伊打酒 製法氣味詳上文第 卷 篇利小便門內

功用 兼能發表解熱

服法 每服二十滴至三十滴加水調服每一兩點鐘服一次

一熱水汽發表之善法 病人將衣服卸去坐於透氣椅上頸

項以下用盆圍覆將熱水一大盤置於椅下水若稍冷續  
煨紅石卵投諸水中使水之熱氣騰蒸自可發表此誠捷妙  
之法也

卷二

二



# 化痰論

夫肺經之痰，缺則令生，溢則令去，卽屬化痰之法也。顧肺內皮發炎，而致血滯，則津液將輒止而不生，卽間或發多，亦旋發而旋止。大抵在輕症，則未幾津液復多，而肺內皮之炎自散。

倘一起卽屬重症，宜先服吐瀉等藥，而後服化痰劑，庶令津液多生，而炎始退也。蓋化痰之藥，不外令津液流行。若身熱則津枯便秘，而此時無庸服也。惟發表清熱，而津自生。抑或身體虛弱，則只須補腦潤肺，亦自津生而痰除。惟肺內皮久患炎症，此則痰多而稠，須服藥而使其多生津液，庶幾流利易出。顧用化痰之藥，其法有二：一由內服，一由吸此藥氣。

令其透進肺內而達於患處 其吸藥氣之法先用小玻璃管製成橫直二條形狀恍如曲尺惟曲尺之內則並有一小玻璃條相連蓋取轉彎之際而彼此管口要離少許方得互相通氣也由是復用一玻璃樽內貯藥水其直管則插入藥水之內其橫管之末則另以一膠喉套人而膠喉並有兩顆鼓風之毬於是將該毬通風而令直管內之藥氣上升即吹其氣而送入病者之口如此則自可透進肺內而療其各症也 若論藥水之品則當以膽礬水銀淡養水錐礬水爲最宜 況吸此藥氣者或喉與氣管有症或肺內皮發炎或久患咳嗽或口不能言皆可療治 第田氣喉所吸之藥俱略帶濃故熱症乍起者宜先服別

品而後用斯法方驗。且用斯法者、或一時藥水未便而只  
沸水之氣入肺、亦能化痰、醫者概宜知也。若夫內服之藥、原  
有數品、而究之該藥亦非入肺、惟令肺經發力、而痰自行耳。  
其用吐劑化痰者、如欬鋏、葡萄吐藥、及咳囉啞之類、是此蓋能平  
脈去熱、縱肺內皮略有炎症、亦可服也。其用補劑化痰者、如  
阿魏、辛衣加、及金雞納霜等藥、是此蓋能旺腦潤肺而行痰也。  
卽久咳氣喘者、服此亦驗。他如用輻淡炭、養者、亦能令痰化  
稠爲稀。間或痰多而有膿、則宜服亞麼匿、安息香、把嗎油、哥  
拜把等藥。抑或痰多而無膿、則宜服辛衣加、土圭釐、及鐸磺  
養等藥。若痰少而咳極其艱辛、又宜服蒜頭、阿魏、及亞麼匿。



等藥。且化痰方劑分二種。一發悶而含肺之內皮生痰。一助肺生力而送痰外出。至若助其化痰之法。宜先令身體冷煖中度。次則或服吐藥。或服甘菊花水。或飲煖茶。均合。凡服化痰等劑。忌服利大小便藥。誠以其均礙夫化痰也。惟內傷肺有膿穴而吐出之痰。往往蘊膿在內。此則殊非易治者也。

辛衣加



辛衣加 此

草產於北亞

美利加狀似

蘭花高約八

寸或一尺入

藥取根用

形色

根之色灰而黃根之身則有一弦凸起並有浮凸縐皮

功力在根之皮而根之心則無用也 氣味 嘗試先覺

甜後覺辣 提取 用水或火酒浸泡均能提出其功力

功用

化痰利水補胃服後能合脈緩而蓄力且能合臟腑發

西藥畧釋

卷二

化痰門 辛衣加 圭釐

畧

力而生活 若肺炎已退並無身熱而祇有嘔喘及覺軟弱服此則能止咳而補

**服法** 用以作散每次服一分至二分 不宜過服過服卽致

吐瀉凡肺及各經有炎症者均忌服

**方劑** 作藥水方

辛衣加根八錢 搗爛 甘草根八錢 搗爛 清水十四兩半 同浸

用火煎沸煎至膿有九兩六錢爲度每服八錢日服三次

**主治** 小兒嗽症一安士分三次服 久咳痰結難出宜合轉

淡炭養同服

**士圭釐** 形色氣味已詳上利小便篇內茲述其化痰之功用



令痰稀多容易吐出

服法 凡用以化痰每次宜服二三釐每日二三服若過服而至一二分則作吐凡久咳肺內皮有炎則無論痰之多寡均宜服之或偕別藥同服亦妙惟肺經當炎盛時不宜遽服俟炎退方可服也

方劑

製藥水方

此西國最通行之品也

士圭釐

三兩二錢搗爛

辛衣加

三兩二錢

鉞錡葡吐散

七分

白糖

三十二兩六錢

淡火酒

足用

先將士圭釐辛衣加二味用淡火酒八兩浸一點鐘然後置漏斗中濾隔再加入淡火酒以濾得共有三十六兩爲

度取出入錯用慢火熬去三分之二其餘則加以沸水四  
兩八錢再濾隔加白糖同煎至沸隨即取起再隔乘熱即  
將銀錦葡吐散加入並沖沸水以合共有三十六兩爲度  
蓋照此分兩製成每藥水一兩約有銀錦葡吐散二釐也  
小兒傷風咳嗽服少許自可化痰若用以取吐其在  
五六歲者每次宜服三十滴至六十滴壯年用以化痰  
每服二三十滴

**阿魏**

此藥乃取樹根之汁製成者也該樹原產波斯等處今

廣州亦有之其樹最高者則有九尺而樹身徑約寸半樹上有  
花而樹下之根徑約三寸其根並能發出大葉每葉長約二尺

大約樹經四載方能割根取液而製成是物也

阿魏





形色

色或黃或紅或白彼藥肆所售者新打破則色白少頃

則變紅迨後則轉黃黑

氣味

其臭頗烈其味苦辛

功用

服法

止咳化痰

每服宜用五釐至分半每三四點

鐘一服若小兒則減半凡有咳症無論童叟均宜服老

耆服之尤佳此蓋能補腦而化痰也

方劑

一方

阿魏二錢

清水八安

入乳鉢內漸加清水研勻合其出味每服一兩酒杯

阿魏丸方 治婦人便結月經少者服之宜

阿魏一兩  
二錢

番鹹四錢  
研末

和勻作九二百四十粒每服一粒至四粒

又丸方

阿魏

鴉囉

番鹹

三者同重和勻爲丸每粒

約重五釐每服一粒至五粒

阿魏酒方

療喉喘

阿魏

一兩四錢

淡火酒

一斤

同浸十餘日濾隔每服五分至一錢此酒若加入清水則變爲白色恍同牛奶

又一方

化痰治喉喘

阿魏酒

三十滴

鴉片酒

二十滴

甜硝伊打酒

三十滴

西藥畧

卷二

化痰門

阿魏蒜頭

三

樟腦水 一兩 二錢

共和勻作一服

**方論**

蓋此藥功用猶之桂拏磺養雖本非化痰之品然能補

腦補肺則自可推痰外出 腹有氣噎胃不消化大人小

兒皆可服能補腦去風利大便 若婦人身弱血少而致

胃不消化氣緊肚痛等症服此最驗 且腹內脹滯大小

腸有風宜用阿魏水或酒射入糞門自可祛風消滯

**蒜頭**

各國均有 **形色** 畧似葱頭外有衣而內有數仁且

該仁內有油日久則洩 藥性熱而味辛若搗汁塗在皮

上則立發紅而有微痛

**功用**

化痰開胃 此物弗宜過食過食則悶而或致吐瀉且



身熱時亦忌食，俟熱退食之，方見功效。

方劑 一方 止咳

蒜頭四兩八錢搗爛 白醋十二兩八錢 和勻，浸數點鐘，濾淨，再加

入白糖一斤，生燴熱，令糖易化。小孩每服半酒杯，老者每服一酒杯。

考訂 至本草謂其並能解毒，誠未必然也。

吐米思 該樹產美國，高約三尺或七尺，入藥則取其根。

氣味 味苦辛而略澀，且別具一種氣息。

功用 化痰平腦，然或過服則作悶，而令頭昏目眩，及筋微抽。

服法 身有熱症，未可遽服。

藥水方 止咳

呷米思根 八錢 搗爛

清水 十二兩

煎沸濾淨每服半茶杯或

一茶杯均可 或取此根研幼作散每服二分至三分功

亦同上

阿膠

此藥乃樹漿結成者也該樹原產波斯印度中國等

處高約五六尺幹頭近土處徑約三寸許而樹身與枝葉均有漿如牛奶時或為蟲鑽破則流漿而結成此物茲孟  
嚙等處亦有是藥蓋由波斯採買者也

形色

初結成者不過小粒厥後互相交粘則或凝為一團色

紅黃剖開則白用手捫之將見漸軟如蠟若用水和勻恍

同牛乳

氣味

苦而辣，別具一種氣息。

功用

化痰行血，彼咳症痰多而稠者，服此最驗。

服法

每次服一分半至五分，惟不宜過服，過服則瀉，而或致腹痛，亦不宜久服，久服則滯，而胃不消化。若熱症猶未退清，亦不宜遽服也。

方劑

一藥水方

阿膠

二錢

清水

六兩  
四錢

同研勻，用布濾淨，每服一酒

杯，或兩酒杯。

一法：用阿膠、白醋煮至成膏，外塗皮上，能令發紅而



起小粒且服此膏能療風溼骨絞發腫等症

安息香

出處

此樹產於海南波斯及暹羅等處樹身徑約

尺半採此入藥則有二

宋製形色

一將樹皮砍破令漿流出而結爲珠此則色略白一

將樹枝砍碎熬膠濾淨後凝爲一團色棕黑二者均堪取

用

辨別

若藥肆所售者類多溷雜宜擇用之

氣味

研幼作散嗅之卽令嚏噴其臭香其味始覺甜而漸覺

辣

溶化

火酒能化而沸水不能全化若將鐵板燂熱以此藥放

在板上將見白烟上升而並有安息酸味

附安息酸論略 蓋安息酸者係由安息香提製而成質

乃輕炭輕養也色白作片珠而薄質輕臭香入口甘辛沸水能化少許輕淡水易化而輕淡化得之水加入輕綠酸略多則作片珠如毛入曲玻管乾煨能變流質煨久可甌升至盡間或略存少許此安息雜質通行者渺無庸詳也

功用 化痰行血

用法 老人久患咳症即以酒化安息香而用法將藥氣吹入

口內令其透進肺部 一法用炭火一爐隨將安息香放

入爐內俟藥烟上騰即令咳者納烟入口 又法用沸水

一罌即將安息香放入罌裏俟藥氣上升令咳者吸入口內已上各法均能療治咳症外治惡瘡宜用酒開搽或用安息酒及甘油調勻塗之均妙

服法

凡服安息香及安息酸每服一分至五分惟安息酸每用一分須加入礪砂一分半方能令水化清否則不能全化也

考訂

時珍本草云安息香一物味苦辛而無毒凡一切心腹惡氣邪病鬼胎霍亂風痛男子腎虛遺精婦人血嘔及產後血暈等症服此皆能療治但據本草所論此藥功用雖未必盡然而要未嘗無所取也



沒藥

此樹產亞利卑、亞非利加及波斯等國，樹高數尺外，有芒刺，歲久者，並有脂液流滴地下，凝結成塊，其塊或鉅或細。

形色

藥肆所售者不一，上等者色紅黃，或紅棕，質頗脆，略過

光若研末，則黃白。氣味：味苦臭香。下等者，則有雜

質，在內色黑，不過光而香味亦少。

溶化

用清水、火酒或伊打酒，只能溶化少許。惟用輕淡綠

四分及清水一兩六錢，和勻，方能化。若多花沒藥，則按照數加多可也。或用醵養

水及醵養水亦能化。形化後：大抵化以水，則白如牛乳。

化以火酒，則頗清。若加入水，則變白。

功用 化痰行血開胃並治久咳

服法 去痰止咳每服一分至四分

主治 胃不消化腹內有風及大便結者均宜服 惟身有熱

症未可遽服也

方劑 藥酒方 用沒藥二兩四錢研末先以火酒少許潤之然後置

漏斗中再用火酒加入以濾得之酒共有三十二安土量

爲度 主治 牙肉浮腫用此藥酒一錢清水六安土量和勻

漱口甚妙

藥丸方 補胃利大便 外治毒瘡用此作膏藥貼之亦可愈

沒藥末四錢 大黃末八錢 鴉羅末六錢 薄荷油三

和勻作丸二百四十粒，每服二三粒，日服二次。

**秘魯漿**

此樹產亞美利駕南北之間，樹高數丈，用斧砍之，即

有汁漿外流，取漿入藥用。

**形色**

紅棕，用火燃之，即起白煙。

**氣味**

苦辣，獨同糖水，氣息頗香。

**功用**

此蓋化痰之補劑也，能療喉咳氣促內傷。

**服法**

每服十滴至三十滴，用水化，加白糖雞蛋白和服。若

身有熱症，俟熱退方可服也。

**主治用法**

凡久咳，將秘魯漿滴入火爐，俟白煙一起，即着病者吸。

此藥氣入口，令其透進肺內而咳自可愈。又既生蘿蔔



之後

此藥俗名靈固而在北方更多

而每至冬令其舊迹處仍有發癢即用此漿

搽之可止

方劑

一

方

久患瘡疥等症而難收口者用此塗之甚驗

秘魯漿

二錢

豬油八錢

和勻作膏

到魯漿

此樹亦產亞美利加南北之間而採其漿以作藥功

同秘魯漿

左驗秘魯漿味亦微苦

其在鮮者原屬流質若經久則乾若松香也

此漿乃化痰良劑每服一分半至四分用水化加白糖雞蛋

白和服

方劑

藥酒方

到魯漿

二兩

火酒

三十二

同浸此酒燴香可和別藥

四錢

安士量

用

把嗎油

此蓋由燃燒松木而用法以取其滴者也

形色

稠而黑

功用

化痰行血

用法

主治

喉症

把嗎油

一兩

飯炭養

四分

和勻放入小杯次用一瓦

鍋盛水隨將該杯置於鍋內下用慢火煎之令藥氣上升

彼久患喉症者嗅此藥氣自可化痰止咳西醫每以此法

施於病者寢室蓋並欲辟除病氣而大有妙用也但其

始用每日只宜薰三三次俟病者漸嗅漸熟方可常用

至此

油能治皮膚等

症詳見下文

西藥畧釋

卷二

化痰門

把嗎油甘草

三

依哩格

此藥功用並能化痰已詳上吐藥篇

甘草

此樹中國歐洲皆有植焉高約四尺採根作藥

形色

該根或大或小大者徑約八分外棕內黃

氣味

其味甜甘

功用

潤肺化痰服法或鎔片或研末均可

方劑

作甘草膏法用此根擇其鮮者洗淨晒至半乾切碎

和水煎沸煎至藥味盡行發出爲度俟冷該滓墜底卽將

上面之水倒出再復煎至稠結然後取以製作藥條每條

長約五寸徑約六分色黑味甜冬則硬而脆夏則軟而潤

此膏多製自呂宋亦通行之品也



主治 喉咳痰多、喉乾口熱、均宜用此入口含嚥。

甘草水製法 粗甘草末

十二兩

清水

八十安土量

先用清水四

十安土浸甘草末十二點鐘、隔淨、搾盡渣內之汁、又用清水四十安、浸渣六點鐘、隔搾淨盡、將兩次甘草水煎沸至二百一十二度之熱、絨布濾淨、用隔水鍋煎去水汽、略稠、以探輕重、表探之水一、甘草水一零一六、每甘草水七安土加火酒一安土、俟十二點鐘、再隔以絨布、貯樽內、此水味甘、乃甘草原味、咳嗽可用、或調和苦藥水亦可。

一方 胡麻子

四錢杵

甘草

錢杵

沸水一斤

浸半點鐘

每服一安至兩安 潤肺止咳化痰

考訂

但甘草一物除潤肺化痰外其餘則用以和別藥令易入口及用以交粘各種藥散令易爲丸而已至時珍本草誇其能治臟腑寒熱堅筋骨長肌肉通九竅利百脈益精養氣定魄安魂療瘡疽治驚癇能和百藥能解諸毒竊恐未必有此大用也

鈇錦葡吐散

製法功用已詳上文吐藥篇

方劑

一方化痰發表

鈇錦葡吐散

一釐七

白糖

五分

和勻作十包每兩三啗

鐘服一包

藥酒方

化痰

鉞錡葡吐散

五分二釐

沸水

一安士量

和化後加入車厘酒

五

安士調勻每服一小酒杯

又方 化痰甚效 大人用

鉞錡葡吐散

五分二釐

沸水

十三安士量

和化後加入火酒三

安士量調勻

又方 治傷風初起乾咳者宜服

鉞錡葡吐散

一釐七

麼啡磺養

一釐七

清水

四安士量

和勻每服一錢每一點鐘或兩點鐘一服

又方 氣喘無痰服此甚效

鉞錡葡吐散

一釐七

輻淡綠

一錢二分六釐

甘草膏

三分四釐



麼啡礬養一釐七

到魯糖水一安士量

清水一安士量

和勻每服一錢每兩三點鐘一服

哥拜把 功用化痰已詳上文利小便篇查閱便知

輻淡綠即初砂

此物出於火山即生煤處亦有之

製法 昔日多用駱駝之糞燃燒其中即有硃砂此特舊法耳

邇來即將製煤氣所賸之水加入礬強酸和勻如此即成爲輻

淡礬養也由是再加鎳綠即生鹽煎熱則見其一變爲輻淡綠一

變爲鎳礬養然此猶未淨也用鐵釜再將此二者同甑將見輻

淡綠即行升上用法收取其氣而自離去鎳礬養矣

極淨製法

輻淡綠二十安士

輕淡水五錢

清水三十二安士

先將輕淡綠搗爛入磁鍋內再以清水放入煙熱化淨然後加入輕淡水再煙熱一刻之久乘熱隔淨後仍用磁鍋煎乾水汽煎時不住手攪勻煎至稠結成粗粒爲度若隔淨後俟其冷凝珠用布濾隔出漚乾溼氣則爲極淨之輕淡綠也

形色 此物白而韌半過光剖開則其紋多直

氣味

鹹而涼無臭殊不可口

若加入鈹養或鉅養煙熱卽有輕淡氣發出

溶化

火酒冷水均能化而熱水化之尤易化時則能令水略

冷若甌之可令化盡無餘滓

功用

濃淡各有妙處濃者使痰不作淡者化痰易出凡肺內

皮發炎或傷風咳熱退痰少或久咳痰結或痰內有膿服

此令痰化多而稀，故易出也。

主治

療大小腸內皮與肺內皮積血及肺久患熱症吐血肝發大水臃症由肝壞而致者白濁白帶喉痛久患嘔咳外消炎腫等患。

方劑

一濃輻淡綠水方

療嘔咳使痰不作

用法吹藥氣

入病者之口透入肺內可化痰止咳凡大小腸內皮與肺內皮積血肺久患熱症皆效。

輻淡綠 一錢

清水 一安  
土量

淡輻淡綠水方

療嘔症使痰易出

喉痛用之嗽口亦佳

輻淡綠 三釐

清水 一安  
土量

和化服之



一方 治久咳

輕淡綠 二錢

甘草膏 二錢

到魯漿和糖水 三安土量

樹膠水 一安土量

和勻每三四點鐘服一錢

一方 治同上若病者或有作嘔則除去鈇錦葡吐散可也

輕淡綠 一錢

甘草膏 三錢

鈇錦葡吐散 三釐

清水 八安土量

和勻每服五分每兩三點鐘一服

又法 治久患暇咳 以此藥置鐵板上炙令化氣而吸

八口內甚效

一方 治風溼跌打骨鉸腫熱或腎子發熱

輕淡綠 二錢

火酒 兩安土

清水 兩安土

和勻用作藥酒以布溼透敷患處頻頻換之

一方 令水變冷如雪可消炎腫

輕淡綠五分

火硝五安土量研末

冷水十六安土量

和勻

凡一切發炎初起患處未發膿者用豬小肚盛貯此藥水置患處可退炎消腫不致成膿

一方 吐血肝發大水蠱症由肝壞而致者均效

輕淡綠一錢五分

輕綠酸水三十滴

清水十六安土量

和勻每服一兩每兩三點鐘一服

一方 白濁白帶 以水節射入前陰

輕淡綠二分半

清水四安土量

和化用

又方塗癢癰

輻淡綠一錢

豬油二兩半

和勻



卷二

五

斂藥論

夫症有宜於散者，尤有宜於斂者。此斂藥所由重也。大抵能令微絲血管收縮，肉筋束力，各腑之蛋白質質化稠者，即謂之斂藥。蓋藥力或發於腦氣筋，或發於脈管，而當其斂時，則有如啖生澀之果，能令唇舌俱縮而略乾也。斂藥功用有四：一斂

內皮之涎

如能止渴  
如能止瀉

一斂潰疽之膿

一止血流

如能止胎胞大  
腸虛等症

收束散瀉

如能癆  
肺等症

醫者宜悉察也

且斂藥亦分內外，內服者

則令其入胃入膀胱，入大小腸，而在患症之處發力，而且該藥能入血，又在腦筋而發力也。若外用者，只在患處發力，而與內服有別，宜分晰焉。顧用藥一道，尤貴精益求精，如用銀淡養

及銅礪養以塗瘡疥等症則更勝於炭匿酸之類也如用槲樹皮等藥以敷未潰毒瘡則更勝於金類也如內服金類以作斂劑則更勝於植物之類也如外用幾阿蘇銀淡養及礪養酸淡養酸等藥以止血流亦更勝於炭匿酸之類也況同是斂劑而有兼補虛弱者如炭匿酸鐵綠酒及鐵鹽是也且有兼去內熱者如鉛霜冰雪等類是也惟屬炎症熱症須先去清炎熱方可內服他如細小脈管割傷又當以冷水浸淋爲最妙之法蓋水愈冷則愈佳誠以微絲血管經冷即可收縮而閉也

皆屬大脈管  
須剝去



要巴兒些

出產圖狀已詳卷一第

十

篇利小便門內矣

功用

小服各別大服發嘔作瀉小服開胃止滑瀉服此藥小便色黑氣臭迥別無可比擬

主治

凡內腎膀胱溺管三處內皮發炎等症以致尿急難忍服之可收縮各處內皮微絲血管故炎腫痛可漸止也

一

方砂淋內痛服此可減肺內皮發炎下痢流白帶均效

要巴兒些葉研末

八釐半至三分四釐

開水服

一

方治同上

要巴兒些葉

八錢

沸水


十六安士量

煎一刻之久濾淨要


足十六安士水為度如不足以清水加足每服八錢每日

三四服應效佐以標咕葉更為得力

沒石子



日本沒石子



沒石子 此物由蟲

穴樹枝而結成者也

該樹原有數種各國

均有生焉而惟出此

沒石子者則殆產於

波斯等國也蓋推原

其始實因蟲穴嫩枝

布卵厥後或化蟲而去或仍在枝裏所以該木因之成癭而結為是物也今中華亦有是藥頗能媲美泰西但該樹面有炭匿

酸者結成是物方堪入藥其在下等者穴大而穿透其在上等者物內小蟲尚未透出極佳者該物每百分則函有炭匿酸六十五分

形色

此物小者如荳大者如胡桃質硬而脆

氣味

苦澀

功用

能飲功同炭匿酸惟少入服劑耳

方劑

外用作藥膏方

沒石子

一錢三分研末

豬油 八錢

和勻用搽潰瘡及痔瘡甚

驗

一

方 治喉症

沒石子

四錢

沸水

五兩

泡之用以漱喉亦妙

西藥畧釋

卷二

斂瀉門

沒石子霜

三



沒石子霜

此霜即炭匿酸也

製法

先將沒石子研末，俟兩三日，令其發潮，而後用伊打酒

浸一天

須臾

浸畢，隨倒入麻布袋裏，用法壓之，令酒洩出，其洩出

之酒，另用一瓶存貯，由是取出藥滓，再行研幼，然後放回袋中，

復用伊打酒一十五清水一和勻，淋入袋內，仍照前壓之，使出

於是將前後壓出之酒調勻，少頃，俟上面之酒飛去，

宜用毒酒

將見

墜底者，即炭匿酸也，由是再用慢火煎乾，便可製成此藥。

形色

色略黃，而體輕鬆。

氣味

瀉而斂，入口能令舌縮。

溶化

伊打酒能化少許，惟水與淡火酒方能溶化。

功用

炭匿酸爲最妙之歛藥味不甚苦亦無臭入胃不吐酸與人身相宜惟過服則未免大便結耳

主治

作斂劑宜服三釐至八釐每日三四服凡流血吐血

月經過度及肺經內腎出血均宜服每服四釐至八釐

老人久咳痰多每服二釐至四釐可治久患痢症宜以

此藥和鴉片同服內傷盜汗及患白帶等症宜以此藥

四釐

合淡硝強水十滴沖水服甚效眼科用炭匿酸五

釐清水八錢調化搽之小兒眼炎有膿者外滴亦佳乳

婦若乳頭痛爛宜用炭匿酸八釐清水一安和勻搽之

牙齦出血或痔瘡流血宜用藥水漱洗或研幼末搽之

瘡邊肉芽浮凸宜用藥水或藥膏敷塗

作藥水方 炭匿酸四釐 清水一兩 調化作一服

作藥膏方 炭匿酸八分 豬油一兩或二兩 和勻塗之

一方 療痔症及喉內浮腫老人囊門腎囊等處發癢等患

炭匿酸八錢 甘油四安士量 研勻入磁鍋內燂熱至甘油

化盡為度搽之

一方 痔漏脫肛局血及紅白痢等症

炭匿酸四分 甘油二十滴 調勻 次將豬油一錢三分 白

蠟七分半 入鍋燂熔俟冷隨將炭匿酸甘油加入一餅和勻

取出即分作十二粒每粒須製成筍子樣由是再用豬油



八白蠟三入鍋煎，鑄卽將此藥一一投入，令其復染油蠟。然後取出，俟冷凝結，隨用玻璃瓶貯密。凡遇前症，以此藥條插入龔門，俟其鎔化入血，自可療治。

一方：凡牙痛有腐穴，以綿蘸此藥油，塞入牙穴，甚效。

炭匿酸 三釐 麼啡 三毫 基澳蘇 二滴 和勻

架泐酸 製法

沒石子 十二兩 用水調勻 水須備足 調至稠結如漿爲度，但須

露天氣四十天，陸續加入清水，待過四十天後，再加水 四十五安士量

同煎，約煎二十咪呢之久，隨用布濾隔，俟冷凝珠旋，卽取出用

紙提乾，其所賸之水，另以一瓶存貯，由是再用水 十五安士量 同煎

煎至該珠化盡方可停火停火後俟水冷至寒暑表八十分則

必再復凝珠而所賸之水亦貯起其珠則另用至冷之水

三安土量

濯之

水以冷至寒暑表三十二分爲度

濯畢將珠取起先以紙提去溼氣而復用慢火

煏乾

以寒暑表至二百分爲度不宜過度

如此卽成爲架泐酸也至所賸藥滓宜再加

入清水

四十五安土量

煎沸隨用布將水隔出而與前所賸之水合共

和勻同煎煎至尙存十安土爲度俟冷凝珠將珠取出亦宜倣

照前法製成然後一併貯入玻璃樽已上製法蓋令沒石子所

函之炭匿酸而卽變爲架泐酸是誠歛藥中之上品者也

形色

凝珠頗幼髮髯似針色白或略黃

氣味

略酸而且澀

溶化

冷水一百倍方能化一沸水三

卽能化一伊打酒化少許惟火酒始能溶化

**功用**

歛藥上品及可止血但多作內服甚少外用

**主治**

一服法 婦人月經過度每服此藥一分半每兩點鐘或

三四點鐘一服 若內腎有壞或出血或小便似有蛋白

甚至或吐血或嘔血或久病而致鼻內流血及大小腸出

血等症宜服此藥八釐至三分每日

服頗驗

**佳奴**

此樹產印度南亞美利駕及亞非利加等處樹高而大

割其皮卽有汁液外流此藥蓋取其液製焙而成殆與兒

茶同類也

**形色**

質脆厥色棕黑若以水及火酒浸之立轉紅色



氣味

無臭其味苦澀

功用

極欬能止洩瀉誠以此物固有炭匿酸也

方劑

作藥水方

佳奴

二錢  
研末

沸水

六兩  
四錢

浸濾每服一酒杯或兩酒杯

藥散方

久患紅白痢症及內傷已久而至發汗痢者均效

佳奴末

一兩  
五錢

鴉片末

一錢

桂皮末

四錢

和勻作散入樽貯密每服宜服一分半至三分

兒茶

該樹產緬甸印度及西印度等處若兒茶一物乃取此

木熬水煎煉至稠然後或攤席上或置器上用以晒成者也其

在上等者每百分則固有炭匿酸五十四分

形色

棕黑

氣味

苦澇

功用

能歛恍同佳奴

服法

每服宜用三五分

方劑

藥水方

兒茶

二錢半  
研末

桂皮末

五分

沸水

八兩

同浸半點鐘，聽淨，每服八錢至一兩六錢。

主治

婦人患白帶，用此藥水射入陰戶。

若痔流血及鼻流血，用此藥水浣之，或摻以藥末亦妙。

牙肉浮腫，宜取兒茶一粒含化可愈。

藥膏方

和勻

敷膿瘡等症奇效。

兒茶末

一錢

豬油

八錢

洋蘇木

該樹高約二三丈其幹多曲其枝有節蓋產於西印

度及亞美利駕南北之間也

泡製  
形色

若砍碎其木而浸以水及火酒則呈色甚紅故染家亦用以充顏料也入藥則砍其木心而以水泡之

功用

眼法

能斂日久痢症服之能治惟患紅痢及當身熱未可遽服

白

帶內服及用藥水節射入陰門

方劑

作藥水方

治同上

洋蘇木碎

八錢

清水

一斤

桂皮末

一錢

先將清水煎蘇木一刻次下桂皮末和勻然後濾淨每服

八錢或一兩六錢



作藥膏方

洋蘇木碎

十二兩

沸水

六斤

同浸浸畢濾隔隨將該水

煎乾則所賸者卽藥膏也其色黑其質脆每服一分半至

四分

方論

蓋此藥雖稍遜於佳奴等物而要爲歛藥中之不可少者也惟服後則糞色多屬黑耳

架美喇

此樹產南亞美利駕及西印度等處樹高數尺取根

入藥

形色

該根色紅棕

氣味

無臭其味苦澇

提取

冷水沸水及火酒均能提出其功用

功用 補而斂功同佳奴

檳樹皮 該樹高而大各國均有入藥取其樹皮但皮之外層

尚粗仍須刮去方堪取用

形色 略棕

功用 能斂多作外用

主治用法 凡肌肉有紅腫宜將此藥搗爛外敷 若患膿瘡等症

宜將此藥浸水洗之 用此樹皮一兩 清水一斤 同

煎一刻濾隔但須加回清水以仍得一斤爲度 凡牙肉

浮腫及喉有症宜用此藥水漱口 白帶用此藥水射入

陰戶甚驗

懸鉤子 此樹產中國入藥取其根用

功用 補斂

方劑 一方 治久患痢症

懸鉤子根 一兩 搗爛 清水 一斤 同煎一刻每服一酒杯甚

效

石櫟樹皮 此樹隨處俱有而功力全在樹根之皮用作斂劑

誠上品也餘則詳下殺蟲篇內

鉛霜 即鉛養 醋鹽 製法

醋强酸 四十安 土量 蜜陀僧末 二十四 安土秤 清水 二十安 土量

和勻用慢火燂至溶化瀘淨再復煎乾至上面起有一層白綿



爲度其或尙無酸味則再加些醋強酸可也俟冷凝珠取出復用紙提去水溼方可貯入玻璃樽

形色 珠色白露天氣則略化爲散

氣味 味甘臭同白醋

溶化 火酒能溶清水四倍亦能化一若水內函有炭匿酸卽

不能化盡而水成白色也

功用 能斂並能止血

駐滯 凡一切肺經吐血大腸便血內腎流血月經過多與及

鼻衄等症服之皆可療治

方劑 一方 治痢症

鉛霜 五釐

鴉片 一釐

研和

每服五釐，每日四五服，奇效。癰後或扇痢，或氣脹，服之

亦妙

久咳痰多，宜服鉛霜鴉片散二三釐，每日五六服。若在

小兒，每服半釐至一釐，每日七八服。內傷盜汗，每服七

釐，以漸加多，早晚各一服。

一 方

鉛霜 一分

清水 一兩

和化。凡遇跌打損傷，骨絞

疼痛及皮膚紅腫等症，宜用此藥水洗之，或用布蘸此藥

水敷之，均妙。白濁、白帶，宜用鉛霜二釐，雨水一兩，和勻

卽以水節納此藥水，射入，每日數次，甚效。眼熱有膿，用

鉛霜二釐或三釐雨水一兩調化滴入眼胞內皮若起炎粒

宜用鉛霜研幼卽翻胞皮向外撒之俟胞皮自然之液化

藥卽見功效

忌用 眼眼角罩有瘡忌用此藥蓋鉛食潰處將必作點也

此藥忌多服及久服否則或成軟鉛之症

鉛養醋水 製法

鉛霜五安士秤 鉛養三箇半安士秤 清水二十安士量

和勻約煎半點鐘但須加回清水以仍得二十安士爲度然後

濾淨

藥性 涼 形色 此藥水清而無色 氣味 甜而略澀



功用 可作斂劑

主治

凡跌打損傷、皮膚紅腫、及患膿瘡等症、宜用此藥水以

洗之、或用布蘸此藥水敷之、甚驗、但此藥水宜多加清水調勻、無使過濃

眼熱症、或流水、或出膿、將下方藥、或洗或敷

又方

鉛養醋水

兩地廉量

清水

十九安士量

火酒

兩地廉量

和勻

白礬

形色氣味已詳上吐藥篇

溶化

此物沸水能化、火煨可熔、若久煨之則成枯礬、

功用

斂血斂汗、

服法

每服一分半至三分、用水化服、或研幼末和糖水服、亦

妙

方劑

一方 止血斂血凡肺胃或大小腸內腎等處出血

皆效

白礬末 二錢

牛乳 十二兩

白糖 八錢

和勻煎沸濾淨每服一茶杯

又方

每服白礬末

一分半至二分半

每日四五服可療上諸症

用法

凡久痢用白礬末

一分

清水調服每四點鐘一服 鉛

症腹痛用白礬末

二分

每兩點鐘一服服至作瀉為止或

每次加鴉片酒

八滴

同服亦佳

嘔痰嘔水用白礬末

三分

半和糖水服每日服三次

婦人月經過多用白礬末

一分

半和糖薑汁服每日服三四次外用白礬末

一錢

清水十二

安士和勻以水節射入甚驗婦人白帶用白礬末一錢

每日三服外用白礬末二錢錐磳養二錢洗水十兩和

化射入陰戶又用白礬末四錢炭匿酸二錢或清水十

安士和勻晚間先用此藥水一半射入陰戶餘一半次朝

分兩次射入可愈膀胱發熱出血及出濁物用白礬末

一分半至二分半每日四五服外用白礬末三分清水二十安

和勻用水節射入膀胱奇效痔漏流血及脫肛用白礬

末一錢或清水八安和勻射入冀門牙肉浮腫用白礬

末一錢沒藥酒四錢清水十二安和勻用以漱口每日數

次頗效喉熱痛爛用白礬末一錢清水五兩和勻漱喉



甚妙 白濁用白礬末八釐清水一兩和勻射入溺管

眼熱以白礬水洗之或以白礬末四釐至八釐雨水一兩開化

滴入眼裏又用雞蛋白調白礬末以淨布裏敷能治眼

熱眼腫等症吐痰以白礬末一分鴉片末二釐兒茶

末一釐共研勻作九六粒間兩點鐘服一粒痔瘡以白

礬末一錢四分白藥膏四兩調勻塗之

鈹養淡養西藥形色此散色白敷以顯微鏡則見其質之所

凝者恍似纖針但此散原由舊藥製氣味無臭無味

功用能斂服法凡嘔吐不止腹內作痛及久患痢症宜

空心服此散一分至三分半或服至五六分亦可用水

或粥水開服 若在飲乳嬰兒每服三釐至五釐每三四

點鐘一服

錳灰

形色

白氣味

無

溶化

水所難化

功用

鐵可解酸用以療治各症殆與鐵養淡養無異也

錳鐵

形色氣味未詳

此藥水所難化

功用

亦入鐵劑

錳

凡胃不消化虛弱作嘔及孕婦悶吐每服一釐至三釐

宜用粥水或糖水調服

錳醋鹽

製法

鉛霜

三錢二分

錳礬

二錢四分

以水化勻即變為錳醋鹽及

變為鉛礦者原屬白散，宜即濾去，隨將該水煎乾，則可成為錐。

醋鹽而無雜質也。

**又法**

先以水溶化鉛霜，次將錐質

宜擇其熟

同浸，由是則醋強酸離去，該鉛而與錐相合，亦即成為錐醋。

**形色**

薄片色白

**氣味**

無臭味，澀

**消化**

水易化，露天氣則變為白散。

**功用**

能斂，多作外用，甚鮮內服。

**方劑**

一方

錐醋鹽

五釐

清水

八錢

和勻

凡眼熱用以洗之，白濁射入溺管均效。但初患是症，須



俟數日小便不甚覺痛方可用此法也

錐養

製法

用錐炭養入瓦鍋燭至略紅

去其灰除去  
燒盡也

取出隨將炭燭養數之以

不見沸為度

黃以知炭燭養入養  
錐炭養入瓦鍋燭至略紅

形色

質輕而多純淨者多作白粉用火燂紅即變黃色俟冷

後如無鐵質在內仍返白色

氣味

無臭無味

溶化

水與火酒不能化惟強水及銀養鎔養方能化

功用

平腦可作斂劑

服法

每服三釐日三次

宜飯後服  
漸加多可也

主治

用治 閨女抽搐服之能治

酒醉發顫頭昏目眩服此可止

內傷盜汗每服一分每日兩服捷羅發過外治則用作藥

散藥膏均可大水蠍癩天泡瘡如屬淺症者宜用散搽

之目眶熱爛宜用膏搽之瘡邊紅爛塗以膏亦可愈

至若乳頭裂爛肛門腫爛及領上腋下髀裏等處而有

損爛則或搽以散或搽以膏均妙

藥膏方 能療皮膚各症

銀養一錢三分白藥膏八錢和勻塗之

銀養一錢三分製法形色詳上文吐藥篇內

主治內傷盜汗開服止血內服外用均可眼患以此藥

用法三五開清水一兩溶化滴之每日早晚一次喉內炎痛

以此藥一分至二分清水一兩開化含漱可止塗瘡亦可

用日久血痢以此藥三釐甘菊花水五錢和化服一酒

杯每日三服白濁以此藥四釐清水八錢開化用水節

射入尿管效喉內久炎及肺內皮舊痰多以此藥一分

牛清水八錢和勻用法將此藥水吹出水花令病者由口

吸入而透進肺內自可調治滴眼除熱用此藥一分

鉛霜一分鴉片酒一錢清水四兩和化能療大熱眼若經

熱退後而用此滴入甚驗

### 又一方 治白濁

錐磺一分樹膠末二錢鴉片酒一錢汽水六兩



和化射入尿管

銅礬

製法形色功用已詳上文吐藥篇內

方劑

方 治婦人白帶以水節射入陰戶效

銅礬

五分

淡加播匿水

四安

清水

二十安

和勻用之

方 滴眼藥水

銅礬

三釐

清水

一安

每日早晚滴一次

方 搽瘡用

牙齦腫喉爛用此藥水漱口甚驗

銅礬

一分

清水

一安

每日搽患處兩次

方論

要之斂藥不一

如幾阿蘇

輕綠酸

礬酸

淡羣酸

等藥亦入斂劑此則另詳下文也

殺蟲論

夫蟲生於胃及大小腸者有三種 其一西名顯尼亞大抵生  
是蟲者小兒少而大人多其蟲身圓而長節節分晰而恍如百  
足蟲也但此蟲復分二種 一種長約五丈甚至十餘丈亦有  
之此則頭小腹大其腹闊約二分者也 一種長約丈餘亦惟  
中腹頗大而首尾俱小此則其腹闊約三分或五分者也 其  
二該蟲則長約五寸或一尺而蟲身又圓而非區者也 且該  
蟲首尾俱尖而肚略大其肚闊約二分蓋恒伏人之腹裏也  
其三則有微細之蟲而每聚於囊門之內蓋生是蟲者多屬小  
兒也 已上三種皆宜細覈 顧小蟲則用藥殺之自可悉除

若長蟲則雖療之以藥亦非易治。大抵殺蟲之劑分二種。

一種屬瀉藥如迦路米、火石、汞粉及渣鎗士金、無尼等類是也。蓋該蟲每因腹內津液稠結伏而不出，惟服以瀉劑則令津液流行，自可推之使出也。一種藥力善能殺蟲，如松節油、山道

年、芝奴、及亞必安、土拜枝喇、石榴樹皮等類是也。第服藥後須再服瀉油庶令蟲易出。彼小兒或胃不消化或因身體虛弱或因飲食部劣而致生蟲者，宜服此藥殺之，但殺蟲後而朝夕尚須用肉食培補，方易全愈。



芝奴藥 此樹產美國，高約二尺五，或四尺，蓋自生於村落

人所種，所有枝葉，葉核均堪入藥。

形色 葉核大如白荳 氣味 該葉氣息殊不堪嗅

藥 覆其枝葉，葉核均面有油，而功力即在是油也。用以殺

蟲，最為上品。

方劑 一方 芝奴葉 八錢 清水 十二兩 煎服

用法 一法用此鮮葉連葉搗汁飲之，每服一酒杯。又法將

該核搗爛，每服三分，用糖水開調，日服三次。至用該油

是法出者也。每服五滴，至十滴，亦宜日服三次，和白糖服。

彼小兒約三歲時類多牛蟲，宜照此療法連服三天，而後

再服瀉油可治



山道年

山道年

該樹產波斯埃及等國

若山道年一藥乃取其花蕊製成也

氣味

該蕊用指擲之其香迴異

別花味苦而辛並面有油及霜覆在內用以作藥而功力  
即在此油霜二物

功用

殺蟲和藥服法

凡患生蟲症大人每服五釐至一

分小兒三四歲者每服一釐至五釐日服三次服畢再服

瀉油立驗但此藥不宜多服否則腹痛作嘔疴痢日眩在

所不免用藥者宜慎也

二、**藥效** 該樹產美國高約尺六寸，入藥後其根

**形色** 根之身復有鬚，該鬚長約三五寸，色棕黃。

**氣味** 平和，味苦而略甜。

**功用** 功力即在根與鬚，此在美國咸推為殺蟲最妙之藥也。

但功力祇在新鮮時，若乾則罔效，故用是藥者，惟在美國方合，而別處鮮用。

**主治** 凡遇生蟲症，用此根鬚（目錢）沸水（十二）浸兩點鐘，（時）

**用法** 藥濾淨，小兒二歲者，每服此藥水四錢至八錢，大人

每服四兩至八兩，日服二次，連服三日甚驗。

**方論** 若浸藥時，再加入辛拿葉四錢，其功更峻，並可略濕否。



則服此藥後宜再服瀉油方易奏效 但此藥亦不宜過

服過服則將頭暈筋抽目眩眸子散大未免壞人

宜慎用也

石櫟皮

形色

略帶灰黃

氣味

苦澀

功用

全在樹根之皮入藥則取其乾者而用能殺腹內長蟲

方劑

方

用此根皮

一兩六錢

清水

一斤半

先浸廿四點鐘次

用慢火煎沸以前去該水一半為度濾淨

用法

凡大人遇生蟲症每服此藥水一茶杯每一二點鐘一

服服後如覺作悶或嘔或瀉方見應驗若猶未瀉仍宜再

服庶能獲效

亞必安

此植物產歐洲美國入藥用其根

形色

根長約尺許，徑約寸餘，且其根能生大葉，該葉長約一

二尺或三尺半，取根作藥，自古而然，晒乾研末，厥色微綠，

氣味

根味略甜而苦澀，

功用

能殺腹內扁節長蟲，

服法

每次宜服藥末一錢至三錢，

若服此藥油更效

方劑

一方 製藥油法

亞必安根

一斤半 鵝爛

伊打酒

約八十安士 量宜備足

先將根置漏

斗中略為壓實，然後將酒徐徐加入，以加至不見根之綠

色為度，取出煎去該酒，則所賸者恍然如油也。此藥油

每服十五滴至三十滴，晚間服一次，次早服一次，至次晚

再服瀉油如此則該蟲自可殺也但此油亦有服至一二錢之多而始獲功效者

又方

用此根八錢沸水二十安同浸濾淨分四次服功效同上

苦楝子名金產中華印度及歐洲美國等處樹高三丈花色紅

紫結實如小鈴生則青而熟則黃故又名金鈴子也入藥則用其樹皮

氣味 該皮味苦寒而有微毒曬乾研未用

功用 殺蟲 **服法** 每服三分 惟不宜過服過服則或

頭暈目眩及筋微抽慎用之可也

方劑 一方



苦練樹皮

一兩六錢

清水

十六安土量

同煎以煎去該水一半

爲度彼小兒腹内生蟲宜服一酒杯每三點鐘一服服

至作悶嘔瀉爲率如此便見功效

哥蘇

一名秘藥樹

此樹高約丈五產阿比西尼亞國卽在亞非利加之

東也入藥則取其花晒乾而用

氣味

味苦而香

功用

能殺腹內扁節長蟲

方劑

一方

哥蘇花

四錢

沸水

六兩

同浸約半點鐘取出連花一

併服之或分兩次服亦可服後歷四點鐘久再服蓖麻油

令瀉自可獲效

南瓜核

此瓜各國均有入藥則用其核

功用

能殺腹內長蟲

方劑

一方

南瓜核

八錢至一兩六錢去殼搥爛

和白糖水或牛乳

同服甚驗但未服之前須於一日內暫停食饕餮等物服後則逾四點鐘再服蓖麻油可也

記薇喇

此樹高約丈五產印度小呂宋及中

華等處所結之果大如黃荳而果殼則有粉色

頗紅入藥取其粉用

氣味

該粉無臭無味

溶化

水不能化沸水只化少許惟煎火酒及

伊打酒方能化

記薇喇





**功用**

能殺腹內長蟲

**服法**

每服五分至三錢用粥水或

清水和服每三點鐘一服連服五六次至瀉爲度此藥功力甚烈用以殺蟲在明度國最爲通行者也

**松節油**

製法形色功用已詳上文利小便篇

**一方**

殺蟲

松節油

一安  
土量

甘草末

一安  
土量

蜜糖

兩安  
土量

先將松節油甘草末和勻後加入蜜糖每服一錢至四錢服後再服些瀉藥或蓖麻油更妙



Last page

外二

三



M 87374  
1914  
V. 2



1 H87374  
1914  
v. 2.